

UGOVOR O OSIGURANJU

zaključen dana 26.09.2013. godine u Visokom između:

1. D.D. za osiguranje „VGT“, Visoko, ID BROJ:4218241600009, Filijala Visoko, ulica Alaudin br.1, zastupano po direktoru Trebo Fahrudinu (u daljem tekstu: osiguravač), i
2. Samostalni sindikat državnih službenika i namještenika Uprave za indirektno/neizravno oporezivanje BiH, Banja Luka ulica Bana Lazarevića bb.ID:4402790240001 zastupano po predsjedniku sindikata Osmić Mehmedaliji, u daljem tekstu: ugovarač osiguranja).

Član 1.

U cilju unapređivanja i razvijanja poslova osiguranja imovine i lica, kao i osnovne djelatnosti osiguranika, ugovorne strane su saglasne da ugovarač osiguranja po vlastitom izboru može sa osiguravačem zaključiti ugovore o osiguranju lica, imovine i imovinskih interesa.

Član 2.

Lica, imovina i imovinski interesi osiguravaju se od osnovnih i dopunskih rizika, a razvrstani su u više grupa-skupina i vrsta osiguranja, a na osnovu Odluke o vrstama osiguranja Agencije za nadzor osiguranja FBiH broj: 1.0.-021-743-2/07 od dana 24.04.2007.godine.

Na osnovu registrovanih djelatnosti, osiguravač vrši osiguranje sljedećih grupa-skupina osiguranja:

- 01 - osiguranje od nezgode,
- 02 - zdravstveno osiguranje,
- 03 - osiguranje cestovnih vozila-kasko,
- 04 - osiguranje tračnih vozila-kasko,
- 05 - osiguranje zračnih letjelica-kasko,
- 06 - osiguranje pomorskog, riječnog i jezerskog kaska,
- 07 - osiguranje robe u prijevozu,
- 08 - osiguranje imovine od požara i nekih drugih opasnosti,
- 09 - ostala osiguranja imovine,
- 10 - osiguranje od automobilske odgovornosti,
- 11 - osiguranje od odgovornosti u zračnom prometu,
- 12 - osiguranje od odgovornosti brodara,
- 13 - ostala osiguranja od odgovornosti,
- 14 - osiguranje potraživanja (kredita),
- 15 - osiguranje jamstva,
- 16 - osiguranje različitih finansijskih gubitaka,
- 17 - osiguranje pravne zaštite, i
- 18 - osiguranje turističkih usluga.

Osnovna i obrtna sredstva osigurati će se na sumu osiguranja koju utvrde ugovorne strane.

Član 3.

Ugovorne strane su saglasne da se u osiguranje uključi slijedeće:

Kolektivno osiguranje od posljedica nesretnog slučaja-nezgode (članova sindikata) koje uključuju slijedeće rizike:

- Prirodna smrt;
- Smrt usljed nesretnog slučaja;
- Invalidnost (potpuna ili djelimična) usljed nesretnog slučaja;
- Troškovi liječenja
- Dnevna naknada za bolničko liječenje koje je posljedica nesretnog slučaja.

Član 4.

Visina premije osiguranja po članu sindikata iznosi 3,00 KM mjesečno, a u skladu sa tarifama premijskog sistema osiguravača.

Polica kolektivnog osiguranja od posljedica nesretnog slučaja-nezgode se zaključuje na period od godinu dana od dana potpisivanja iste, a kao sastavni dio police osiguranja je spisak osiguranih lica-članova sindikata (ime i prezime, jedinstveni matični broj).

Osiguranci su pokriveni rizicima navedenim u članu 3.ovog Ugovora 24 sata dnevno u toku i van radnog vremena ukoliko se desi osigurani slučaj -nezgoda.

Član 5.

Ugovarač osiguranja je dužan da u skladu sa Uslovima osiguranja blagovremeno prijavi osiguravaču sve promjene broja osiguranih lica (članova sindikata) koje se dogode u toku trajanja osiguranja i to najdalje u roku od tri dana od dana nastanka promjene .

Ugovarač osiguranja je dužan dostaviti obavijest o promjenama članova sindikata sa tačnim podacima o licima (imenima prezimenima lica, jedinstvenim matičnim brojem), a koja su pristupila sindikatu ili napustila sindikat i tačnim datumom promjene.

Fakturisanje premije osiguranja i plaćanje iste će se vršiti mjesečno na osnovu spiska koji je ugovarač osiguranja dostavio pri zaključenju police osiguranja osim ukoliko je u skladu sa prethodnim stavom obavijestio osiguravača o promjenama broja članova sindikata.

Član 6.

Osiguravač se obavezuje da u skladu sa važećim Uslovima osiguranja, te zahtjevima osiguranika, postupi vezano za nastale promjene u broju članova sindikata i izvrši mjesečni obračun prema spisku koji mu dostavi ugovarač osiguranja.

Osiguravač se obavezuje da će uz kolektivnu policu osiguranja ispostaviti potvrde o osiguranju za svakog prijavljenog člana sa dostavljenog spiska od strane sindikata.

Osiguravač se obavezuje da u skladu sa zakonskim propisima u najkraćem zakonskom roku izvrši procjenu i likvidaciju štete, te isplatu po odštetnom zahtjevu ukoliko postoji pravni osnov iste, a sve u najkraćem zakonskom roku.

Član 7.

Osiguravač se obavezuje da za sva zaključena osiguranja u skladu sa ovim Ugovorom višak rizika preda u reosiguranje čime se u potpunosti štiti imovina osiguranika, kao i interesi obje ugovorne strane.

Član 8.

Ovaj Ugovor zaključuje se na određeno vrijeme i to na period od tri godine, a u međuvremenu se može raskinuti samo pod uslovom da ugovorne strane međusobno izmire sve stvorene obaveze i potraživanja.

Ukoliko jedna od ugovornih strana prestane sa radom iz bilo kojeg razloga, obaveze po ovom Ugovoru prelaze na pravnog sljednika.

Ukoliko se jedna ugovorna strana integriše sa drugim pravnom licem, obaveze po ovom Ugovoru ostaju do isteka roka iz stava 1. ovog člana.

Član 9.

Ukoliko jedna od ugovornih strana ne ispuni svoje obaveze predviđene ovim ugovorom, druga strana može raskinuti ugovor i zatijevati naknadu štete.

Član 10.

Osiguranje po ovom Ugovoru za svaku vrstu osiguranja iz člana 4. ovog Ugovora počinje teći danom zaključivanja-potpisivanja police osiguranja.

Član 11.

Ugovorne strane su saglasne da sve ostalo što nije izričito ugovoreno odredbama ovog Ugovora, da se na isti analogno primjenjuju odredbe Zakona o obligacionim odnosima, te uslovi i tarife osiguravača, sa kojima je osiguranik upoznat i saglasan.

Član 12.

Sve eventualne izmjene i dopune ovog Ugovora vršit će se samo u pismenom obliku i to aneksima na ovaj osnovni Ugovor uz obaveznu saglasnost obje ugovorne strane.

Član 13.

Ugovorne strane su saglasne da sve eventualne sporove koji nastanu povodom ovog Ugovora rješavaju sporazumno, a ako to ne bude moguće ugovorne strane ugovaraju nadležnost Općinskog suda Zenica.

Član 14.

Ovaj Ugovor stupa na snagu danom potpisivanja, a sačinjen je u 4 (četiri) jednaka pismena primjerka, od kojih po 2 (dva) primjerka zadržava svaka ugovorna strana.

OSIGURAVAČ:
D.D. za osiguranje „VGT“ Visoko
Filijala Visoko
zastupano po direktoru Trebo Falcijeviću
(potpis i pečat)

Broj: 3410/13

Datum: 26.09.2013.

UGOVARAČ OSIGURANJA:
Samostalni sindikatslužbenika i namještenika UIO

zastupan po predsjedniku Osmić Mehmedalji
(potpis i pečat)

Broj: _____

Datum: 26.09.2013